

Vorred an den Leser.

Daß ich den verständigē vnpartheyischen hiemit ein gefallen erweisen vnd mein gemüth vnd vorhaben gemeinē Nutz vnd die Kunst d' geheimen Philosophen vnd Arzney zubefürderen erkannt werde.

Also erfordere ich nuhn an des günstig lesenden Gemüth/nicht Spinnen/sonder Bienen Arth vnd Natur (die da kein Blümlein verachten/wie gering/wie schlecht/wie vngestalt vnd vergiffte es auch sey/sondern nimpts für sich/vnd zeucht allein das gut vnd Honig heraus/das Giffte laßt den Spinnen ligen) die da das gerecht vnd gut heraus vom bösen/dz nusslich vom schädlichen/das wahre vom falschen scheiden/absünderen/vnd ihme zu nutz/wie die Nusz auß der Hülsen heraus zuklauben/vnd das ander so nichts soll hindan zuwerffen wisse/denn zugleich er weise/wie die Kunst an ihr selbst ein Kunst des separierens vnd scheidens pari & impari, des bösen vnd guten/des Honigs vom Giffte/des Weizens von Spreuern ist: Also muß auch in dero Kunst Beschreibung der mancherley Authoren vnd widerwertigen Lehren/eine Aussündung des wahren vom falschen/vnd als vntüchten allein zu verduncklen hinzugesetzet/gehalten vnd angestellt werden/ursachen ist/das die Philosophi alles/Warheit vnd Lügen/beweht vnd vnbeweht/vnder einander vermischet/nicht allein vnordenlich/vnd vnuerständlich/sondern ihnen selbst das Contrarium vnd Widerspiel/vnd offtermalen auff einem Blat zweyerley widerwertige meinung von einem Ding geschrieben haben/das man nit darauß kommen oder schliessen mag/ob sie halb oder gar/lez oder recht/angefangen oder auffhören zuschreiben. Sie haben sich auch keiner eusserlichē zierde/ordnung/oder lieblichkeit des redens der Phrasum, Sprüchen vnd Wörter/oder einiger Rhetoricæ beflissen/sondern offtermalen ohne Ration/gleich lächerlicher Thorheit/mit vnzierlichē/vnhöflichen Reden wider die præcepta Grammatices vnd vitiose, (wolt sagen Bachantisch/so sie es nit mit fleiß gethan) ihre geheimnuß verdunckelt/keiner Irraten vnd Incongruiteten/oder als gelehrte Leuth vngelehrt zu schreiben sich nit beschämt/damit bey vnwirdigen ihre Schrifften weniger erfundigt oder ergründet wurden/vnd in mindere achtung gehalten/dennocht aber nit gar verlöschen/sondern bey den wahren Scayo-

):(iij lis vnd